

A VICINO/LONTANO UN INCUINTRI SU GNOVIS TECNOLOGJIS, LENGHIS MINORITARIIS E SFIDIS DAL AVIGNÎ

Promovût de ARLeF in ocasion de Zornade Europeane des Lenghis

L'esam dal rûl des tecnologjîs digjitâls tal tutelâ e tal pandi lis lenghis minoritariis al è stât il teme dal incuintri promovût de ARLeF inte suaze dal festival Vicino/Lontano, a Udin. L'event si è davuelt in maniere significative, in ocasion de Zornade Europeane des Lenghis: une ricorence che e puarte cun se la convinzion che la diversitât linguistiche e sedi un element clâf intal patrimoni culturâl tant siôr dal nestri continent. Volude dal Consei di Europe, la Zornade e je celebrade ogni an ai 26 di Setembar di passe 800 milions di citadins europeans. La presince de ARLeF a Vicino/Lontano e je aromai consolidade. Di sîs agns incà, cun di fat, la Agjenzie e puarte intal festival il teme dal plurilinguism, disvilupant la riflession sui siei tancj aspjets linguistics, culturâi e identitaris. L'incuintri **"Il rûl des gnovis tecnologjîs intal disvilup des lenghis minoritariis"**, moderât di **William**

Cisilino, diretôr de ARLeF, al à cjpât ispirazion di une des primis ricercjîs sientifichis sul rapuart tra tecnologjie e lenghis minoritariis, intitulât *Can the Web Help Save My Language?* (Il web puedial salvâ la mê lenghe?), par mostrâ ae tante int che e jere presinte in sale i progjets plui resints che a compagnin, ancje par mieç di une schirie di struments software, la difusion dal furlan inte comunicazion in rê ma soledut par fevelâ des sfidis digjitâls che lu spietin.

A confrontâsi sui progrès de lenghe furlane in rê e su lis oportunitâts che la tecnologjie e ufrîs in gjenerâl aes lenghis minoritariis par restâ vitâls, a son stâts trê esperts di comunicazion, informatiche e lenghis minoritariis: **Alberto Masini**, consulent e formadôr che si ocupe di inovazion digjitâl pe aministrazion publiche e di informatiche al servizi des lenghis minoritariis; **Luca Peresson**, docent di informatiche che di passe vincj agns al coordene progjets informatics in jutori dal disvilup dal furlan, fra chescj il "Grant Dizionari Bilengâl Talian Furlan", "Lenghis" e il "Corpus



de lenghe furlane"; **Fulvio Romanin**, aministradôr delegât di Ensoul, une agjenzie di *web development*, e *guest teacher* al Festival of Festivals, al Istitût European di Design / IED e inte Universitât dal Friûl.

Lis gnovis tecnologjîs a son un strument indispensabil pe difusion de lenghe furlane – al à marcât il president de ARLeF, Eros Cisilino – par cheste reson, intai ultins agns in particolâr, la Agjenzie e à incressût lis azions par sostignî la evoluzion digjitâl dal furlan, soledut tra i zovins."

ARLeF AGJENZIE REGIONJAL PE LENGHE FURLANE

VS GOMME

Esperienza piú che decennale in fatto di affidabilitá e prestazioni
VS Gomme offre ai suoi clienti il massimo dell'assistenza, in ogni circostanza.

TRATTIAMO LE PRINCIPALI MARCHE DI PNEUMATICI
per tutti i tipi di veicoli

UTILIZZIAMO SOLO I MIGLIORI MARCHE DI PNEUMATICI
per tutti i tipi di veicoli

VENDITA ED ASSISTENZA PNEUMATICI
per tutti i tipi di veicoli

SOSTITUZIONE E RIPARAZIONE PNEUMATICI
per tutti i tipi di veicoli

Fagagna (Ud) - via G.A. Pilacorte, 8 - Tel. 0432 800560
info@vsgomme.com - www.vsgomme.com